

楊家駱主編
中國學術類編

清詞別集
百三十四種
三

鼎文書局印行

楊家駱主編

中國學術類編

鼎文書局印行

清詞別集百三十四種 第三冊

- 一六 王士禎：炊閑詞
- 一七 朱彝尊：曝書亭詞之一 江湖載酒集
- 一八 朱彝尊：曝書亭詞之二 靜志居琴趣
- 3
○一九 朱彝尊：曝書亭詞之三 茶煙閣體物集
- 二〇 彭孫通：延露詞
- 二一 王士禎：衍波詞
- 二二 宋 肇：楓香詞
- 二三 鄭祗謨：麗農詞
- 二四 董以寧：蓉渡詞
- 二五 董 俞：玉鳧詞

炊

聞

詞

王士祿（天啓六——康熙一二）

字子底。號西樵。山東新城人。順治乙未進士。就萊州府教授。累遷吏部考功員外郎。癸卯典河南試。以磨勘罹吏議下獄。事白。流寓吳越。旋以原官補用。遭母喪。悲號而卒。私謚節孝。工詩。與弟士禎並稱三王。著有十笏草堂集。

序

眉山二蘇。風流競爽。獨至填詞。則丈六琵琶。偏讓老髯。而穎濱不得一語。以此定其爲兄弟耳。瑯琊二王。卽不然。向讀阮亭衍波詞。每出一語。落落如有香氣。固當奴視七郎。婢視清照。今遇西樵於邗上。出炊聞卮語讀之。靜情豔致。撮花草之標。似未肯放阮亭獨步。何也。古人佳句。多在歌眉舞袖。酒黏花壓之間。乃西樵羈縻請室。八月南冠。他人書空咄咄。尙不能堪。而弄筆所至。興會迺爾。觀其胸中空濶。若無一物。以視鄒生書檣生詩。相去何如。戲語阮亭。君卽有廣陵十部鼓吹。此事故須輸阿兄一著。或謂西樵方長。齋繡佛。盟寫名經。不當懺此綺語邪。不也。天上無懵懂仙人。西方豈有鈍根佛子。假以炊聞卮語供養如來。如來必且微笑。以教迦陵諸鳥。鶯子大弟。和以微妙音樂。百千天女。皆以種種花香而散其處。吳門尤侗悔菴撰。

炊聞詞

新城王士禛 西橋

荷葉杯第一體 夢迴

紅暈倦眸如纈。春歇。夢迴時。被香無賴曉魂膩。還睡。掩簾幃。

又 和溫飛卿韻

小艇掠煙春浦。香雨。杜蘅紅。弱鬟斜掩畫窗裏。微起。綠楊風。

又 憶魯泉山居二首

憶待石橋金鯽。山夕。淥波涼。小亭紅杏幾枝側。斜日。撲衣香。記得山樓日課。春情。枕書眠。竹籬微映露桃面。紅蓓。午晴天。

南歌子第一體 窗午

窗午花情倦。樓春鏡影妍。新燕啄泥天。枕屏圍小夢。阿誰邊。

三臺令 鄴下三臺二首

炊聞詞

弔古重回遠目。憑軒遙指荒邱。不觀西陵歌舞。唯見漳河亂流。
落日烏啼影寂。春風鼠竄苔斑。只有千年舊瓦。曾覆當時玉顏。

荷葉杯第二體 記得

又向春風相見。梁燕記得去年時。有箇紅欄共晚卮。思麼思。思麼思。

望江南 望蘇門二首

天外影。人道是蘇門。磴覆松毛青剝骨。崖封苔繡碧爲魂。儻許一追捫。
蘇門好。何日得巾車。安樂有窩銷白日。嘯臺無恙臥青霞。微詠帽簷斜。

漁歌子 錦湖四時漁歌四首

雪霽冰澌水漫流。魯陂春漲繞磯頭。攜短棹。縱扁舟。逐鷺微鳬下遠洲。
繫纜青邱萬柳東。荷花面面午時風。懸箸笠。枕籠簾。臥待宵涼理釣筒。
細雨淩微溼綠蓑。白蘋香裏斷鴻過。持蟹飲。扣舷歌。向夕漁燈炙紫螺。
認斷敲冰下短叉。北風獵獵背篷遮。炊荻葉。蔽蘆花。擁婦呼雛醉晚叉。

蕃女怨 次溫飛卿韻

曉風吹夢春色遍。樓穩梁燕。合歡衾。雙鳳扇。厭他常見。枕屏帆影向人來。又重迴。

調笑令第一體 春閨二首

花樹。花樹。羣屨一窗紅霧。月明寥落金樽。錦瑟年華斷魂。魂斷。魂斷。厭煞春宵銀漢。金雁。金雁。歷歷斜行箏面。紅絃素手縈愁。遲日凝妝上樓。樓上。樓上。南浦淥波晴漾。

西溪子 玉臺

何處紅樓郎醉。儂抱春風孤睡。玉臺前。誰共語。和影語。纔到雙眸暈處。最先知。劇憐伊。

如夢令 白沙江上送貽上之金陵

沙尾孤舟潮擁。手底離觴酒重。忽忽惱雲帆。不似青驄堪控。如夢。如夢。昨夜短篷相共。

又 欲別

欲別王人歸去細雨廉纖薄暮。紅燭靜悄悄。好共綠窗幽語。且住。且住。念潤紫沈濃
炷。

又 初夏二首

正是夏頭春尾。芍藥酡顏紅靡。向晚瑣窗風。悵絕玉人孤倚。還喜。還喜。夢裏燈花幾
蕊。

風捻楊絲碧老。雨簸荷錢青小。何日草堂邊。臥聽一林黃鳥。堪懷。堪懷。誤被軟紅相
翳。

又 憶柳菴山寺

憶住柳菴山寺。幽興隨心無次。支枕敞晴窗。臥選萬山紫翠。清吹。清吹。我愛礪松嫵
媚。

天仙子第一體 本意

撥棹春溪深幾曲。桃花紅蘸清波綠。漁郎怪事憶人間。歸去速。閉仙谷。俯仰青山身

碌碌。

江城子第一體 閒庭

秋千搖影月微明。到閒庭。絕人聲。一點紅燈，依約綠窗楞。敲遍闌干佯不應，撥蘭燼，倦盈盈。應仄聲

長相思 本意

風半廊。月半廊。鳳脰燈青玉簾黃。別時秋乍涼。蘋已霜。蓼已霜。碣石瀟湘尙渺茫。關河較夢長。

相見歡 贈季弟

若爲歌管銷愁。盪離憂。憶逐殘秋、征雁問揚州。意中漫憐東閣，少淹留。誰識到來，翻送秣陵舟。

河滿子第一體 微和凝體二首

最是春風情緒。無聊無賴無端。枕瑟孤眠思好夢。被池虛繡雙鸞。爭似蕊黃花子，朝

朝貼向眉彎。

髣髴玉人情態。桃花淺醉春風。咫尺女牀仙樹遠。漫云宋玉牆東。爭似猩紅寶襪。朝朝約向酥胸。

調笑令第二體 成公智瓊

神霄弱女冰玉姿。帝許人世牽紅絲。濟北從事感精爽。雲車白日來葳蕤。芬香午夜疑同伴。卻遣人知非妾願。訣別遣君繡襦襦。魚山五載重相見。

相見魚山畔。五載精誠重會面。雲輶霞鞞神仙伴。心感多情弦掾。同車還許同心綰。洛水春波婉變。

又 天台二女

相將采藥仙山中。仙山窈窕迷幽蹤。越嶺循溪爲饑渴。溪流婉轉胡麻逢。溪邊忽遇雙嬌女。絳幃許結同心苣。竭來啼鳥喚鄉心。無端輕別神仙侶。

仙侶溪邊女。笑倚桃花相向語。絳幃雙結同心苣。婉態幽歡難舉。鳥啼鄉思茫無主。

輕別玉娥歸去。

又 洛神

合歡遺枕愁君王。洛川斜日蘅皋傍。精移思散若有遇。神光離合迷陰陽。此時宛
覩淩波步。心寄君王魂定赴。卻感神人怨盛年。遺情想像真難賦。
難賦。淩波步。心寄君王魂定赴。遺情想像悲靈遇。斜日蘅皋空暮。獨攜遺枕循歸路。
愁逐洛川東注。

又 杜蘭香

芳蘭冉冉清湘湄。玉顏姝瑩天人姿。轉瞬青童引歸路。十年預約雲霄期。包山有
士真靈配。唾玉留作登真記。侍女重來寄意深。壙城夢斷遙相遲。
相遲。真靈配。侍女重來遙寄意。玉孟曾作登真記。更付黃塵仙帔。壙城歸去心期遂。
雲路雙翔翡翠。

又 織女

炊聞詞

閒庭臥月香風流。美人則豔來宜修。幽懷宛轉託神契。玉華簾展紅鴛裯。經年卻別情難斷。紫房遙寄青縑怨。枕香衣淚對愁眠。玉顏寂寞空霄漢。霄漢情難斷。撫抱臨岐空戀戀。紫房遙寄青縑怨。別後靈期汗漫。枕香衣淚留相伴。寂寂玉顏難見。

又 玉卮娘子

書生種花邏谷邊。暮春三月千花然。玉卮娘子騎馬過。青衣輒訂三生緣。殊絕若顏驚阿母。美人涕淚辭箕帚。玉盒殷勤贈別離。仙都目斷空回首。回首辭箕帚。殊絕若顏驚阿母。玉卮難復爲君婦。邏谷舊緣空有。遺君玉盒君憐取。腸斷仙都別後。

又 雲英

湘漢同舟逢麗人。錦屏昵洽難相親。酬詩別示青冥路。授漿恰覩紅蘭春。神仙果在藍橋驛。心堅玉臼終須得。多情共踐玉峯期。瓊樓攜手今何夕。

何夕。藍橋驛。百日爲期難自惜。心堅玉白終須得。共踐玉峯仙宅。裴郎阿姊還相識。
湘漢新詩重釋。

醉太平 郵夜

星前角聲。風前笛聲。惱人日夕逢迎。問王程幾程。
別邊酒醒。歸邊夢醒。憂來如月
明明。問秋更幾更。

生查子 豔情

窗曉露微明。未醒雙文睡。輾轉玩瓊顏。愛煞斜鬟膩。
睡淺爲郎羞。擁損重樓被。後
夜卻防郎。只枕郎君臂。

又 別怨

紫棧已停熏。銀蠟仍銷焰。共影守殘更。相惜還相厭。
蕉萃此時心。郎定無由見。獨
有夜啼烏。髣髴聞微嘆。

又 次女郎紫竹韻

階憐好月癡。窗厭孤燈慘。無味夜來風。空逗簾犀颭。莫檢枕函書。舊淚痕痕黠。都
得幾絲愁。縈損春山點。

酒泉子 小院

細雨惜惜。寂歷紅薇小院。殷輕雷。卻紈扇。綠屏深。
簾痕孤。香氣靡。暮寒侵。涎涎紫燕。雙尾。無語梁畔睡。

醉公子 街鼓

街鼓傳三四。不見蕭郎至。何物對裴回。玉香獨見鞋。
自聽更籌。鴉啼金井頭。錦衾空豔豔。沈水薰來厭。休

又 次顧復韻

梳裏朝來淡。羞對移春檻。斜倚綠牙屏。梨花小院局。
鬢亂雙蟬。心慵又一年。獨坐流光慢。遲日窺門限。蓬

昭君怨 樓外

樓外夕陽牢落。倚損危欄一角。何處見天涯。碧山遮。
近。回夢惜餘歡。觀屏山。那似合歡雙枕。解使瀟湘路。

春光好 秋千

紅索軟。錦旗平。蝶裙輕。一倍春光照眼明。鶯初鶯。
人是如雲如月。天看非雨非晴。髣髴似聞花影裏。墜釵聲。

點絳脣 閨情

雨飄空庭。夢回失卻桐廬路。春愁相赴。又是紅窗暮。
卜損金釵。怕見芳園樹。微寒度。水沈銷炷。且伴春風住。

又 夢餘

蹴踏閒愁。先生被卻拘墟也。夢餘醒暇。叉手槐涼下。
樹畔驢兒。有似邯鄲野。歸去者。炊成瀟灑。莫道黃梁啞。

訴衷情第三體 次魏承班韻